



Kisa Paran yo Bezwè Konnen Konsènan Sipò Aksesiblité Pou Evalyasyon Onivo Eta

Konteks

Tout etidyan nan Delaware, sa enkli etidyan ki gen andikap, gen obligasyon pou yo patisipe nan evalyasyon nan nivo eta ak nivo distri yo. Yon ti popilasyon etidyan ki gen andikap koyitif ki sevè anpil pral pran yon evalyasyon altènatif la. Sepandan, majorite etidyan pral patisipe nan evalyasyon regilye, avèk oubyen san sipò aksesiblité selon nesesite yo.

Reglement Delaware déclare: 3.1.1 *Tout etidyan ki nan klas ki teste epi ki bezwen sipò ak aranjman deziye pral resevwa evalyasyon annakò ak Liy Direktris Aksesiblité Ministè a pou Sistèm Evalyasyon Etidyan nan Delaware (Delaware System of Student Assessments, DeSSA), paske menm bagay sa yo ka resevwa modifikasyon detanzantan.*

Enfòmasyon nan bwochi sa a aplike a etidyan ki pral pran evalyasyon domèn kontni jeneral DeSSA yo.

Pou yo ka pran dezisyon ki byen enfòm konsènan sipò aksesiblité pou evalyasyon, li enpòtan pou paran konnen enfòmasyon swivan an:

Kilè ekip lan bezwen adrese nesesite pou sipò aksesiblité pou evalyasyon nan nivo eta ak distri yo?

Ekip lan pral diskite nesesite aksesiblité etidyan an chak ane ak pou chak klas kote etidyan an ka patisipe nan evalyasyon nan eta ak/oubyen distri. Ekip lan dokimante desizyon konsènan patisipasyon etidyan epi defini diferan nivo sipò etidyan an pral resevwa.

Kisa ki sipò aksesiblité?

Sipò aksesiblité, yo rele yo pafwa aranjman, se zouti yon etidyan bezwen pou l ka resevwa yon aksè ekitab nan evalyasyon eta a. Sipò a ka entegre oubyen pa entegre dirèktman. Sipò ki entegre dirèkteman, yo ofri yo anndan platfòm evalyasyon an epi sipò ki pa entegre dirèktman, yo ofri yo deyò platfòm evalyasyon an.

Èske gen yon diferans ant aranjman ak modifikasyon?

Wi. Aranjman enplike kijan etidyan yo gen aksè a evalyasyon an. Modifikasyon chanje estrikt evalyasyon an.

Ki diferan tip sipò aksesiblité ki genyen?

Gen twa tip sipò aksesiblité ki disponib pou etidyan: Zouti Inivèsèl, Sipò ak Aranjaman Deziye.

- *Zouti Inivèsèl* disponib pou tout etidyan ki patisipe nan evalyasyon onivo eta a.
- *Sipò deziye* rete disponib pou etidyan edikasyon jeneral ki bezwen sipò, Moun K ap Aprann Anglè epi pou etidyan ki gen IEP oubyen plan 504.
- *Aranjman* rete disponib sèlman pou etidyan ki gen IEP oubyen plan 504.

Èske sipò aksesiblité chanje tès yo?

Sipò aksesiblité ede etidyan demonstre konesans timoun lan san li pa bese oubyen chanje estanda oubyen nivo tès an. Sipò bay etidyan an zouti li bezwen pou l gen aksè a evalyasyon an.

Yo ka fè ajisteman nan fason yo prezante enfòmasyon an; fason etidyan an reponn; anviwònman kote yo administre evalyayson an; oubyen kantite èdtan ak pwogramasyon pou tès.

Pa ekzamp, yon etidyan ki gen yon andikap mobilite fen ka bezwen yon moun pou pran nòt pou l ka ekri repons li yo. Se menm tès lan, sèlman kondisyon kote yo pran tès la diferan.

Kisa ki yon modifikasyon? Èske gen modifikasyon nan evalyasyon domèn kontni jeneral?

Yon modifikasyon se yon chanjman nan kondisyon tès lan ki lakoz yon chanjman nan nivo difikilte a. Yo pa modifye evalyasyon domèn kontni jeneral. Evalyasyon ELA ak Matematik rete adaptif epi ajiste selon kapasite etidyan an, kote li bay etidyan yo yon atik plizoumwen difisil nan nivo klas la.

Èske Delaware gen yon evalyasyon modifye?

Evalyasyon altènatif Delaware se yon evalyasyon modifye ki gen mwens nan etandi, pwofondè ak kompleksite. Pou patisipe nan evalyasyon sa a, ekip IEP a dwe kalifye yon etidyan kòm elijib.

Kijan ekip la pral detèmine ki sipò timoun mwen an bezwen?

Atravè fidbak yo resevwa nan men etidyan an, pwofesè klas la, paran, espesyalis, terapet, ekip la detèmine pi bon sipò ki satisfè nesesite timoun lan.

Sa ka yon ekip MTSS ki baze nan lekòl la, yon plan 504 oubyen yon ekip IEP.

Èske ekip la ka deside ofri nenpòt sipò yo chwazi pou etidyan an?

Sipò yo pa dwe nilifye mwayèn timoun lan nan evalyasyon an. Delaware ofri yon lis aranjman eta a apwouve nan kad Manyèl Liy Direktris Aksesiblite li an (Accessibility Guidelines) ke yo pibliye chak ane ak enfòmasyon aktyalize sou sipò ak enfòmasyon apwopriye.

Si etidyan an bezwen yon sipò ki pa sou lis AG , yo ka mande 1 nan men Ministè Edikasyon Delaware. Delege lekòl la ta pral konplete pwosesis la.

Èske aranjman pou tès nan nivo eta a pral menm ak aranjman timoun mwen an resevwa nan sal klas la pandan jounen lekòl nòmal?

Sipò ki ofri pou etidyan pandan evalyasyon onivo eta a dwe ofri tou pandan enstriksyon ak evalyasyon nan sal klas. Sepandan, ka gen kèk lòt sipò edikasyonèl nan sal klas ki ka pa apwopriye pou evalyasyon onivo eta a.

Se pa tout sipò ki ofri anndan sal klas ki disponib pou itilize nan evalyasyon onivo eta a.

E si m pa dakò ak lekòl la konsènan ki sipò ki nesesè?

Si w pa dakò ak lekòl la konsènan sipò etidyan yo bezwen, ou ka pataje dezakò ou an pandan rankont ekip la. Si w pa t prezan nan rankont lan, ou ka voye enkyetid ou yo alekri. Ou ka mande tou yon medyasyon oubyen odyans.

Poukisa li enpòtan pou m anrejistre sipò timoun mwen an resevwa? (Plan 504 , IEP elatriye.)

Pou sipò yo ka efikas, yo dwe ofri yon nan fason kontini. Yo chanje anplwaye lekòl yo souvan, donk li enpòtan pou w gen dosye sou sipò ki aksepte yo. Anplis, dokimantasyon aranjman tès ka obligatwa pou yon etidyan ki mande aranjanm nan tès SAT.

Ki kote yo anrejistre sipò yo?

Sipò yo anrejistre sou Anèks A-1 nan Liy Direktris Aksesiblite (AG) epi yo jeneralman atache yo nan yon fichye etidyan an tankou yon IEP.

Èske lè timoun mwen an resevwa sipò aksesiblite nan evalyasyon onivo eta a, sa diminye mwayèn pèfòmans timoun mwen an nan evalyasyon onivo eta a?

Non. Sipò aksesiblite pa afekte mwayèn pèfòmans timoun ou an nan evalyasyon onivo eta a.

Èske lè timoun mwen an resevwa sipò aksesiblite nan evalyasyon onivo eta a, sa afekte kapasite timoun mwen an pou l resevwa yon diplòm fen etid segondè?

Non. Sipò aksesiblite anjeneral otorize nan evalyasyon jeneral. Ekzijans diplòm pa lye ak patispasyon nan evalyasyon onivo eta a.

Èske li otorize pou yo fè lekti a wot vwa pou timoun mwen an pasaj ELA pandan yon evalyasyon onivo eta a? Si yo li pasaj yo a wot vwa, èske sa afekte mwayèn yo?

Si timoun ou an gen yon IEP/Plan 504 ki dokimante nesesite pou yo li pasaj ELA a wot vwa epi yo ofri sa tou atravè ane lekòl la pandan enstriksyon, yo ka li pasaj yo a wot vwa pou etidyan lan. Sa ekzije yon pwosesis otorizasyon espesyal ke anplwaye lekòl la pral ranpli pou yo ka otorize aranjman sa a pou timoun ou an.

Èske gen sipò ki disponib pou Moun k ap Aprann anglè?

Si lang matènèl yon timoun se pa anglè, li ka itilize Zouti Inivèsèl yo ak sipò deziye yo (Nivo 1 ak Nivo 2) ki sou lis nan Anèks A-1. Moun k ap aprann anglè resevwa yon ansanm sipò pou satisfè nesesite lengistik yo, pa ekzanp, entèprèt imen, glosè, diksyonè.

Si timoun ou an te enskri lekòl pandan mwens pase 12 mwa ototal, etidyan an elijib pou yon eksepsyon nan kesyon tès ELA pou yon ane apati evalyasyon jeneral la, evalyasyon altènativ ak Lekti SAT.

Resous adisyonèl:

[Diplòm Fen Etid Segondè nan Delaware konpare ak Diplòm Estanda Reyalizasyon Altènativ](#)